

Sarkina Bt Mat Saad @ Shaari

From: Unit Komunikasi Korporat
Sent: Tuesday, October 9, 2018 9:26 PM
To: UUM - All Staff; UUM - All Students
Cc: Staf - Pesara UUM
Subject: Hasilkan Kajian Berimpak Tinggi Dan Memberi Manfaat Kepada Masyarakat



Unit Komunikasi Korporat
CORPORATE COMMUNICATION UNIT

Universiti Utara Malaysia

9 OKTOBER 2018 / 29 MUHARAM 1440H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Nordiana Shafiee

Gambar oleh: Abdul Halim Husain

**HASILKAN KAJIAN BERIMPAK TINGGI DAN MEMBERI MANFAAT KEPADA
MASYARAKAT**



UUM ONLINE: Penyelidik universiti ini yang terlibat dengan Institut Penyelidikan dan Inovasi Zakat (IPIZ), UUM disaran untuk menghasilkan kajian berimpak tinggi dan mampu memberi manfaat kepada masyarakat, khususnya umat Islam di negeri Kedah.

Naib Canselor, Prof Dr Ahmad Bashawir Abdul Ghani berkata, seramai 20 penyelidik UUM menerusi IPIZ itu telah dipilih untuk membantu Lembaga Zakat Negeri Kedah (LZKN) bagi meningkatkan keupayaan pengurusan institusi zakat di negeri ini.

Sehubungan itu, menurutnya, menjadi amanah kepada penyelidik terbabit untuk sentiasa menjalankan penyelidikan atau kajian yang diamanahkan dengan sempurna.

"Mereka juga harus berusaha memastikan hasil kajian itu dapat memberi sumbangan balik kepada industri zakat agar dapat mencapai matlamat yang ditentukan Allah.

"Selain itu, bagi menguruskan agihan balik daripada LZKN kepada UUM pula, kita telah menubuhkan dua entiti pengurusan berkaitan zakat di UUM iaitu Bahagian Wakaf, Zakat dan Endowmen di Jabatan Enterprise UUM yang akan menguruskan aktiviti agihan, manakala IPIZ-LZKN akan mengendalikan aktiviti penyelidikan dan perundingan," katanya pada Majlis Penyerahan Cek LZKN dan Persidangan Hala Tuju Penyelidikan IPIZ-LZKN di EDC Hotel & Resorts, pagi tadi.

Naib Canselor berkata, UUM sentiasa berusaha untuk membantu LZKN dalam menggiatkan

kutipan zakat dalam kalangan staf universiti menerusi kaedah pemotongan gaji dan bermula tahun ini, Jabatan Bendahari hanya menguruskan potongan gaji untuk LZNK sahaja.

Menurutnya lagi, UUM juga berhasrat untuk meningkatkan lagi kutipan zakat staf UUM dari semasa ke semasa termasuk kutipan zakat terhadap anak syarikat.

Sementara itu, Ketua Pegawai Eksekutif LZNK, Zakaria Othman berkata, menjadi harapan dan hasrat LZNK untuk memartabatkan institusi zakat bukan sahaja di peringkat nasional, malah antarabangsa.

"Sekarang dunia tercari-cari tentang institusi zakat yang boleh dirujuk dan saya mengambil peluang ini untuk menjalinkan kerjasama dengan penyelidik dari UUM untuk menghasilkan kajian bertaraf dunia yang mana kelak negeri ini bakal menjadi pusat rujukan zakat dunia.

"Saya berharap dengan kerjasama ini, LZNK dapat memperkasakan tadbir urus institut zakat di Kedah dan UUM menjadi pusat rujukan penting kepada semua pihak bukan sahaja di Malaysia, malah seluruh dunia," katanya.

Pada majlis tersebut, beliau turut menyerahkan replika cek bernilai yang merupakan serahan pertama dan kedua di UUM sebagai sumbangan balik tiga per lapan (3/8) daripada hasil kutipan zakat staf UUM pada 2017 hingga pertengahan 2018.

Turut berlangsung Bual Bicara Santai 'Hala Tuju Penyelidikan Zakat' bersama panel iaitu Ketua Pegawai Eksekutif LZNK; Pengarah IPIZ, UUM-LZNK, Prof Madya Dr Muhammad Nasri Md Hussain dan Profesor di Pusat Pengajian Perniagaan Islam (IBS), Prof Dr Abdullah Abdul Ghani.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.